

四庫全書

集部

欽定四庫全書

御製詩三集卷六十八

古今體一百二十一首

丁亥八

濬川

野潦挾沙草塞川每淤壅易見流映咽艱致水洶溶
鵞工事畚鍤疏治除鬱擁廓然清泚呈月入金波湧渚際
遊鷗鳬池心悅鯉鯢其下乃深湖原不勞力董

山雲一首

山雲幾片冉冉興旋佈長空作陰矣借問豐隆一何神
適纔午熱緣有此霏為細靈固無妨散露新蟾益可喜

即事

深谷樹蒙密熱欲換葛裳盤旋登峻巔風來滿意涼始
登亦覺勞其熱不可當既至涼風披弗勞爽爽償為學
及為政視此均可方

題陳琳溪鳧圖

寫生本自陳仲美潤色還煩趙子昂

見圖中仇遠題語

秋水芙蓉

蓉閒獨立野鳬邨羨善翱翔

新月

新月逮上弦徘徊漸有光
入夕更雲散時現半輪匡
清影漏疎樹暎我燕寢堂
適已命輿歸坐賞亦足償
何必復登樓高致學謝郎

清閒口號

人言難得是清閒
我畧清閒輒報顏
設使樂斯更何慮
滿招憂亦在其間

雲南巡撫鄂寧奏報二麥有收詩以誌慰

緬夷梗王化無已事用兵攘外先安內農務念所繫茲
接南來音稼穡悉情形麥收八分餘市間價稱平更時
霑甘霖遍已插稻秔閭閻出積貯云可望西成披章喜
不禁旋復兢惕增庶幾非黷武我祖惟求寧

西峪

西峪不常來來必有奇遇浮雲與張蓋清風與奏護午
炎頓覺失秋涼真可豫緬懷古作者曾誰到此處箕山

祇培塿尚有人生慕

靜含太古山房

山房秀起

堂名

隅雲棧致縈紆
委婉如藏密窈深足靜娛

秋風滿座爽野景一窓輸
城外山田見黃雲近遠鋪

不遮山樓

精小山樓翼若飛
峯姿嶺態卷書幃
魯論見說吾無隱
觸目孰非靜者機

振藻樓

山樓出樹杪亦復有山包境自古今爾理叅動靜交會
英期實得振藻貴虛拋設畀杜工部無心作解嘲

經畬書屋

灑然書屋宜久坐新與為知故與溫却弗恒來來便去
顧名豈不愧斯言

食蔗居

食蔗漸入佳自尾至於本山居有如是因委達源遠設
無攀陟勞安悉精微蘊出幽得極豁攬遙幻若近詎惟

遊暢哉萬理堪斯卒

小許菴

小許居然得號菴可知大亦此中含漆園第二篇如讀
較量由來是戲談

倚翠亭

構亭倚傾崖開窓俯北壑平陵出岫雲下視歸林雀萬

葉尚張王

二字皆去聲

如張

平聲

綠油幕清供目之寓雅契心

所託

鷓鴣

鷓鴣食魚鳥又弗中金鷺背頭曲如鉤伺鱗沙水潯人
以其無用亦弗矰繳侵因惡全其生審非愛物襟持銃
偶即鹿葦叢見隱深可以試神器一發馥成禽鹿大鷓
鷓小艱中去聲譬尺尋古人示其理飛衛貫蝨心

雨

閏七月
十三日

連朝晴已好思得雨前暄細霏潤以久濯枝聲弗喧池
寒荷有淚林濕鳥無言原圃滋薈萊農民笑倚門

即事

南暖北漸寒秋收別遲早邇來接南音次第西成報叶
率稱雨暘時可以登萬寶畿輔實目擊其他披閱曉湖
北及安徽近江或被潦不過彼省中百一災誠小然亦
命安恤毋致有餓殍合之寰宇觀今歲堪云好何脩而
遇斯益勉勤民道

吳鎮秋江濯足圖

坐樹臨流雙足跣滄浪清濁何須辨渾是臨淄句裏情

故識斯人興不淺

烏沙爾器

珊瑚珠襯綠瓊葉是實非花花不如未入嵇含閒檢校
塞山太古自全初

細雨口號

細雨看不見濛濛暗濕衣放他巖際鹿潤草且增肥

鶴二首

飲啄何曾遠去颺翱翔原祇在山莊笑他剪翅牢籠者

拂物性還費稻粱

嘹唳風清還月白徘徊水裔更山榭有時樂意翩然舞
曲盡形容繪鮑昭

晴

前日細雨渥終朝昨日雲猶散未盡清曉喜轉西北風
片片薄雲去相引本來不致愁霖多究覺宜暘利隰畛
霑哉非潦農幸誠爽矣弗寒時協允吾心畧慰是斯辰
泰而不驕益恪謹

敬晴齋

崇巖複岫直北隈茂林踈處開書齋山莊駐已過半月
笑我今日方言來一以鮮暇一境僻似此構築胡為哉
去歲題詩宛在壁頗覺嫵晴望雨迫茲來即景乃大快
信是人情無定適

清綺書屋

插架芸編吐淨芬神心妙會謝云云便教著句皆清綺
那及當前大塊文

繪韻樓

六法吾亦知最艱惟氣韻即使臻其極終屬人工進豈如造物神無為無不運請看雨後晴林密及嶺峻有形兼有聲含光復含潤付之王摩詰笑失落筆分

過谷復至含青齋

隔谷復有齋未可拋尺咫况欣值爽涼宜與窮宛委爛
爛翠明葉馥馥丁星蕊庭前呈靜機色香胥妙理弗來
得幾朝日影上窓矣

靜賞室

尋勝盤輦造極闢林藪契妙不出庭納約原於牖造
物無盡藏所遇隨人取既靜本非寂曰賞夫何有

淨練溪樓

峽上三間俯碧嵒雖無樓實有樓形每教練意憑窓想
何必溪聲待雨聽

泛月作歌

山莊有湖亦有月泛舟載月始艱逢秋巡啓蹕歲有例

仲秋已涼孟秋率過中今年黃緣值閏月饒我一度明
鏡圓當空塞湖不涼復不炎熱熾此而弗賞無乃孤負
佳景當前供仰觀萬里淨一碧四山翠影侵尋漸隱青
芙蓉鑊峯玉輪亦旋上隱者復現如於鏡裏呈玲瓏快
哉今宵得始遇而原太古所有非由人力實由造化工
勿謂既望漸致東山昇遂晚猶當登絕頂以待其載之
也不以沙棠之舫而以驅青驄

題元人穀豐禽樂圖

穀熟西風落啄紛良禽各自與為羣分明遺秉大田趣
善寫葩經意外文

曉涼

曉涼衣著棉萬嶂晃晴煙誠慮霜行至旋思塞固然閒
雲消迴宇野水落前川卓午原暄暖催收晚種田

策馬

策馬石城外觀農近若何菜瓜村舍護稂穗圃場多已
有西成象較於去歲過

去歲塞外頗旱今年晴
雨應時故收成倍豐

山田任

壑闢誰與計陞科

夜月山遊四首

既望應知月出遲
東山臺迴坐延之
鑄峯一縷金絲現
倏湧冰輪祇片時

已愜崇情復暢觀
誰云高處不勝寒
徘徊蓮漏聽逾刻
適可言歸控玉鞍

登東迎月降西背
北出平林宛又逢
却笑拘墟較里許
碧山滄海自重重

嶺態峯姿漾若浮聞聲不見鹿呦呦陸離田地光明境
策馬真成汗漫遊

題唐棣霜浦歸漁

罾罩笊箸負一肩呼朋沙岸捕魚旋太湖設遇天隨子
問在詩中第幾篇

瑩心堂

碧靜林堂淥水潄

義文觸目玩辭深緬懷

四海規為鏡敬識

千秋照在心

恩擬汪洋垂自昔繼勤夙夜勉從今山莊歲歲聽聽近
豈是無端為去聲豫臨

宿雲簷

天畔閒雲去若飛何曾簷際有雲歸邇來雨不雨皆可
消得崇情閱化機

頤志堂

古屋水之涯年深景越嘉樹喬陰佈廣蘿靜月梳斜跡
印呼羣鹿聲傳反哺鴉承

歡願

懿志此樂更無加

雲潤樓

豈必豐隆有所司英英靄靄吐無時坐來不覺衣裳濕
始悟巖樓能雨為

即景

昨朝細雨零蕎菜欣滋長今日快霽逢禾黍熟晴爽無
之西北風雲淨天高朗千山生翠煙萬畝登秋象陸續
閱奏書各省率豐穰處順懼滿盈抑志勵深想

王蒙寒林策蹇

打頭落葉颯寒聲山徑崎嶇策蹇行人固覺勞馬亦爾

倩誰翁仲為

去口情論衡楊翁仲來蹇馬之田間有放
眇馬者鳴聲相聞翁仲知其相罵

云云

桂

逢閏得秋早皋塗已放芬色原塵外質香合靜中聞金
玉非宜擬麝檀底藉薰崇情託雲表招隱湯云云

緬莽

緬以地稱莽以姓木梳又因部落名究之其三乃即一
至今方悲其真情木之擾西蓋已久劉藻畏事惡稱兵
木匪莽匪皆緬甸別名劉藻為滇督時木匪屢至西界
侵擾永昌邊外土司藻畏事姑息不即勦捕又匿不奏
聞以致養癰貽患前歲冬東界外孟艮一帶復有莽匪
滋擾藻雖調兵往禦而庸怯每誤機宜且恐前事莽匪
懼而莽之犯東在前歲藻慮敗露乃自刑無何瘴起莽
自戕

亦退應据攘為功已成所誅數莽僅助惡召散已遁阿

瓦城

楊應据代劉藻督滇甫至而莽匪已退蓋其時瘴癘漸盛賊亦不能久留應据僅殲餘黨數人輒云

莽眾敗逃迨逆酋召散遁回阿瓦應据第言其寬入緬境而不言其即係緬種且謂莽匪事藏次及木匪則已涉冒功申命索之實未索反受數部來投誠古云受降

隱飾矣

如受敵一無預備緬來爭

應据雖稱遵旨向緬向索取召散其實並未往索轉幸木

邦蠻募慙責等眾相率投誠輒謂機有可乘不復措置遽爾受降致緬匪患眾來爭遂有新街之挫賊旋闌入

內地益綠旗之習素誇詐應据病際被惑癸既至病痊

致債事

畏不掉遂肆欺誑圖蒙聽軍無紀律績奚奏向吾言失

擬庖丁

向謂應琚久任封疆必能洞中竅要故推心委任不意其湯無紀律將領畏怯不前損失兵衆

又始以病中替昧為綠營虛誑惡習所蒙率據入告及閱其所奏殺賊萬餘並賊首乞降之事疑涉粉飾屢加詢詰其虛妄乃漸敗露然猶諒其因病受愚叠為開導冀其悔悟實陳而應琚始終執迷甘蹈欺罔自速重愆雖欲宥之亦不能廢法曲貸去歲作後莽子行有庖丁游刃有餘地之句以獎之自悔失言

滇師償

事誌大畧用人弗當

去聲

慙怍怍

重葺獅子園落成奉

皇太后遊覽詩以誌事

去歲斯園偶訪之
兔葵燕麥景淒其
因教葺築復舊觀

去聲宛看落成如向為峯峙千秋善獅吼境同昔日躍龍池奉

慈豈不心深慶

聖藻重瞻有所思

獅峯

不是

晏殊此現身如何獅子面前馴箇間祇合忘諸慮稽首皈依清淨因

樂山書院

舊蹟園林在承

歡事可稽當時曾

賜額

樂山書院
辛卯年

皇祖
賜額也

此日重

去聲
瞻

題寂惺仁之樂從知靜者倪問堂成久近年與我同齊

草堂

草堂棲碧岑樸構稱

去聲

山林蕭緯仰如在茅茨示到今

秋風來席颯日影入簾深小坐旋言去惟留五字吟

題錢維城秋景

無山不落網水有樹皆韻金風蕉葉庭前猶綠楓枝崖際全紅過橋高人訪契閉關開士悟空仿佛臨平秋色
幙中重見王蒙

石渠寶笈藏有王蒙臨平秋早圖

再題千尺雪

前來新雨後渾流殊不潔今來過白露潦盡寒潭澈續
紛間去聲湑澱真是有聲雪滄浪清濁喻遂有纓足別而
泉豈自知由人騰口說

含德齋

複岫聚雲處

屋檐後有書聚雲複岫

山房扁皇祖御

金風玉露秋有懷

皆入靜無景不澄眸大塊開生面

天文仰上頭至今歌樂利含

德永貽庥

登四面雲山亭子作歌

碧天如洗秋陽晶不涼不暄風物好蘭蹊策馬登最高
興會今朝霄漢表霄漢之表構虛亭依稀如到廣寒庭

桂花未作金粟色萬山枝葉交濃青濃青疊翠開生面
風過霓裳聲遞按此而無語頓置歸恐防山靈笑踈慢

再遊獅子園

獅峯率律屋檐前避暑山莊隔一川臺榭維新適此日

林泉依舊憶當年境無俗韻入圖畫鳥有佳音勝管絃

記得黃園工位置

倪瓚獅子林今為蘇州黃氏園亭園中樹石皆雲林結構并自為之圖其

園今藏石渠寶笈倪迂小巧詎天然

妙高堂

迴臨已是高無二俯視還欣妙入虛我亦金山撫蘇蹟
金山有蘇東坡題妙高臺壤霄邨更較何如

松栢堂

名室以松栢收懣惟縹緲觸懷每生慕憶

昔那能忘石古苔痕重山秋樹色涼喬柯無改度倚巘
鎮蒼蒼

獅子園禪詠

山色

幾年不見佛頭青
依舊蕊朶翠滿庭
悟到色空真寂所
身標清淨鎮亭亭

鐘聲

山寺從新葺法林
一聲鐘響七條音
既云本是無生滅
何事悽然又繾心

砌花

秋芳浥露自葳蕤
年來付不知
記得童時閒闌草
偏於色樣覓新奇

庭樹

無情庭樹亦婆娑
高拂簷雲淺覆莎
秋月春風凡幾度
不因今昔較如何

水月

繞堂野水正澄鮮
新月依然掛碧天
入影卽論滿與半
當年曾映拍頭禪

松風

盤拏虬蓋峙階墀
颯飗偏宜風入之
應為去聲吾心有所

感特教寒籟掃無遺

鳥語

庭樹棲禽窺畫堂今來不似昨荒涼分明是說廢興閱
解語何須藉冶長

蛩音

榛叢鼓脇作聲長露與為清風與揚一晌憑欄聽唧唧
助予或亦似歐陽

題馬遠秋浦歸漁

歸舟那繫荻蘆叢攫取簞簞滿不空底識箇翁閒逸趣
鬢絲飄散鯉魚風

夜雨

八月初四日

半月宜晴暢三更落雨喧近聞簷滴瀝遙想樹冥昏涼
意侵宵枕農功廛野村大田收已定菜圃正滋繁

遲鹿

遲

去聲待也

鹿乘餘暇徘徊亦可欣樹翻延爽籟山出護霜

雲奎踞依林見呦伊隔嶂聞誰知思獲處詩意與平分

紅葉二首

秋遲疊嶂尚濃青
一夜西風枕上聽
頓覺珠觀清曉望
碧琳天際點疎星

陸陸離離青間

去聲

紅何曾渲染待霜融

塞上尚
未霜

一般巖

蘚凝眸處昨日今朝致不同

即景

即景為題信口拈
山莊樂事實無厭
蒼蘚巖際行行見
紅葉林間漸漸添
碧宇雲稀天廓落
寒潭潦盡水沉潛

詎惟攬結供吟興靜會端知理趣無

新月

愛看秋中月偏於塞上逢冰眉纔想像漢角已春容萬
葉攢寒影一彎開藻胸吟安剛五字倏忽隱西峯

半月湖

疏淤仍復舊池塘潦盡兼看新水光舉首上弦蟾魄好
半輪影亦正相當

題澄觀齋

不亟到林廬到斯心意舒懸崖雲尚翠

後倚翠雲巖
皇祖御題也

落澗潦全祛借曰澄今習吾寧觀古初桂華放清馥聞
復翳根除

滄浪嶼

池上書齋古滌然俯一泓墻圍辭鹿飲沼澈數

上魚行
聲

澄影觀几席漪光翻枳楹緬懷

聖人意原取濯纓清

秋澂齋

氣蕭碧宇無邊淨
潦盡寒潭澈底清
俯察仰觀心有會
奉時惟是應時行

靜餘軒

入幽披菁蔥據勝開軒榭
山川足竒遇位置非假借
屋中何所有書史滿鄴架
道德企優遊氣質欲變化
却欣消片時此靜得餘暇

再詠紅葉

黃紺青紅間去聲染殊錦機曾不費工夫
春園欲笑花徒

燦未許其間綠葉扶

中秋即事

千秋逢令節萬歲奉

慈寧地迴光疑近夕昇輪欲停丹楓未藏色金桂正含
馨雲雁鳴蟾曲宵縻借兔形巖關益寥朗瀑水自清冷

明曉蕝蒐轡

十六日早起蹕幸
木蘭每歲率以為常

羽林燦衆星

仲秋啓蹕木蘭行圍之作

秋中行狩臨六轡蕝如琴豈不

晨昏念亦惟

繩繼欽南瞻遙塞苑北指近雲岑
納稼山村景崇墉真
愜心

村行三首

野橋人跡點輕霜過閨中秋已迫涼
却喜山田都鉅艾
納收無暇畝棲糧

一水溯源凡幾渡短長木杓接迴溪
相聞雞犬安耕鑿
淳樸閭閻景入題

去年關外微嫌旱今歲山村普報豐又苦穫同無處糶
嗟哉民瘼竟何窮

入崖口

溯源九曲水

崖口蒙古名伊遜喀卜齊爾伊遜者九數喀卜齊爾者崖口是地水凡九轉因以得

名扼要兩崖山地限神仙境天開虎豹關錦屏圍匝

琴峽瀉潺湲小獵宜新霽

是日登程逢陣雨入崖口即晴

諸藩喜動顏

即事

行令宜秋獵覲光有大宛

哈薩克陪臣杜勒特克勒等入覲即於和門宣見並賜以

素韃裘服
佩鹿行圍

錦雲披草木祁廐滿山原武帳歸閒憩驛章

閱喜言

東朝真累慶五世弄元孫

是日驛章至知得曾孫之喜
仰惟皇太后慶育元孫

五世含飴益徵
奏聞聖母以洽

多福即馳使
慈禧

蒙古王公等進宴即事成什

帳殿崔魏向遠坳傾誠貢宴得教聽稱觴共上南山壽

奏樂還欣北曲聆蘇對洛那咸扈衛

是日哈薩克陪
臣亦命預宴

黃

河青海更家庭古來斯事稱希有保泰持盈慎自銘

高適詩云青海只今將飲馬黃河不用更防秋夫防
秋乃在黃河則其時邊界武備從可知矣明季河套
始終為梗夏言欲恢復竟構大獄卒亦無成若本朝
則鄂爾多斯久為臣僕執役惟謹其居河套與各省
民人之各安井里何異耶青海亦與四十九旗蒙古
無別隨獵侍宴恭敬有加茲武帳列坐誠如家人父
子詩以誌事非敢為誇益因自勵

物性

鵬鷃擊狐狼鷹鷂搏雉兔狐狼害牲畜雉兔供鼎鑊叶
弱雉兔易與強狐狼難捕不求易避難朝歌錯節遇鷃
師識物性用各當去聲厥務鷃百不如一孔融語非誤器
使豈殊斯碩難審其素

雪獵

靈山有靈驗圍展雪來隨帶日飛冰片不雲佈野披拂

林重燦蕊著鹿總成麋

鹿皮無白章惟麋獨有與安
有鹿而無麋迤南始間有馳

射原無礙便宜更是詩

蘊廬

茨階茅土湯相譽張拂程途任所如南北東西一行帳
秋冬春夏四宜居底須防漏偏稱瓦適可消閒便展書
拱護亦多單布帳斯之未覺獨安予

射熊行

虞人來報熊咆林
欣飛親率崇柑尋
條呻羣逐出叢
越一箭要害洞中
去聲深馥焉肆地
目精散封馳有力
馱難任復報翠微
出其子駐馬掩搏
觀勇士須臾子路
入檻

籠手羅足廬寧虛揣畜之虎園暫貸生平原不射非所擬

出崖口

水抱山環歷幾重獵場出便閑村農塞田節令先一月
納稼全疑屆孟冬

詰戎聊寓習威儀往不遷延反不遲急欲山莊申
定省近年每復減圍期

駐張三營行宮賜蒙古王公及隨圍人等宴賚作

別館開佳宴列茵秩有倫勞

去聲

勤例行賜逮下澤教均

誰曰甌曾脫端知秋似春羣欣稱世僕我則道嘉賓

於波羅河屯行宮作

青城何代蹟

蒙古語波羅為青又謂舊河屯為城此處有舊城蹟故得名

萼草護堆

沙獵圍經常駐行宮樸弗華向暄逢綠樹應節有黃花

是日重陽 明便承

慈豫山莊喜不遐

迴蹕至避暑山莊恭問

皇太后安

及月山莊

豫養崇

慈顏瞻喜益加

豐朝家馭遠千年計寢閣承

歡一念衷砌以向陽草猶綠窓因延景樹攢紅如斯時
節如斯事萬載如斯願不窮

有真意軒

入谷有蒼山望林無綠樹林谷環抱間書軒於此遇窓
明受曦溫架馥貯竹素故是避暑莊斯則向陽處風景
雅宜人流陰亦堪悟

空翠書樓

屋裏遊廊曲轉通坐來暖日尚和融
蜃窓試一閒憑看始覺四山翠是空

負暄口號

陽燄試負暄憩勞更披暖迴想延涼時
其意何相遠

澄觀齋

曲水門前面層山齋後頭適當九秋對不著一塵留
嶂鳴蒼鹿野灘下白鷗澄觀觀既靜以待萬幾酬

翠雲巖

出岫去還浮斯雲巖鎮留濃青思舊色疊翠亦新流
滂擬立冬到行將活畫收驪珠光兩顆

巖上泐
皇祖
御書翠雲兩字

恒此照千秋

放雉行

大蒐之便亦設羅有雉罹焉獲實多籠收車載率生致
淹寒重試饗則邯山莊林泉清且美取諸於彼放諸此
開籠飛去任所之悠然逝若縱壑鯉憑觀自欣繼自笑
瀕死倖生雉豈料煦嫗為仁詎所期愛物應須識其要
題文壁倣趙孟頫筆意

秋氣入池塘秋亭猶未涼破荷無舊綠碎菊有新黃對
坐似相得其言難具詳王孫真蹟少不失可同羊

山行遇雨之作

廿日餘程喜快晴山莊茲雨遇山行自因問景聊憑輦
衆弗歌勞為去聲駐旌赴岫濃雲如有約落林濕葉却無
聲遙遙南望生欣處秋麥播齊潤始萌

曉起

塞苑背秋將涉冬夜長曉起敢耽慵曙簷有鳥如傳漏
山寺無僧亦撞鐘且未展書玩義理却先問政致勤恭
金烏旋自東南上西北高輝幾箇峯

拈題

信手拈題信口哦樹頭葉少樹根多秋山四壁明無障
野水平湖凍不波雉避風藏深草谷鹿知寒下向陽坡
授衣時節幽詩詠蒿目民艱竟若何

恭奉

皇太后山莊召蹕迴鑾之作

兩越月餘駐奉言

安馭旋關山自風景節序暗推遷

顧養宜真境

逍遙若上仙歡欣承

懿旨來豫定年年

御園季秋即景

孟秋啓蹕季秋廻三月流陰亦迅哉
菴檻山楓半搖落
亞盆洋菊正爭開
景蕭曲院欣初見
日暖明窓愛久陪
午後祥雲飄幾點
綴林忽訝有寒梅

孟冬時享

太廟

敬識宣尼語必躬心始虔

僂聞親一脉勿替引千年孟朔祀惟舉小陽律正宣禮
成將肅退祇覺意惓然

詣

暢春園恭問

皇太后安遂駐御園即景

養

志思前訓問

安例往年及旬

溫室閣信宿御園便窓暖宜拈筆池冰不放船雲容過
午重望雪又心懸

冬至大祀

南郊禮成述事

緹室葭筍候謹探甫踰吉朔履長覃豆籩

青幕禮初式磬管黃鍾律正含不遠復欣廻予北有征
師值出滇南翹祈

助順揚我武一月速傳捷報三

雪

十一月廿八日

雲容低峇峇雪勢落綏綏氣暖片因碎土乾積似遲亦
看駕瓦幕疑綻鳳柯鞋盈尺方慙念笑當知足誰

題張宗蒼溪橋雪霽小幅

驢背客人衣絮單凍凝流水不成湍誰知盈尺溪山景
寫出連天玉障寒

復雪

十一月三十日

中宵雲勢報濃稠
達旦濂濂雨雪浮
弗啻先春更先臘
誠欣惟渥亦惟優
簷留瓦白鋪重厚
砌掩甃青掃未休
綏屢後逢占麥稔
敬承何以勵吾脩

題鄒一桂豐鄉慶節圖

底識鄉居樂事真
鄉居樂以屢綏頻
三餘晨誦還宵課
六行南村復北鄰
學士畫圖偶展處
石湖樂府重去聲提

新范成大石湖集中
有歲暮村田樂府斯民三代風
猶在煩令何須教反

淳

喜雪

十二月十一日

濃陰夜半勢稱嘉曉遂敷紛舞玉沙新澤喜看勝舊澤

祥花真是沃心花配藜佈宇踈還密錯落翻風直復斜

慶慰中無生冀望豫齊待潤麥疇芽

是日覽河南巡撫阿思哈摺奏豫省

正在望雪而山東巡撫李清時雖曾奏報得雪亦欠霑足

戊子春帖子

東宿氣初轉南瀛喜報頻北宸新鳳律西域舊鴻臣

星德星和候子年子日春

是日丙子

萬方徧餅社半月先

去聲

元辰

景山臘雪樹根培又喜春光得得來
歲美人和常願若朝乾夕惕益欽哉

復雪疊前韻

十二月二十日

多多益善豈辭嘉數

去聲

比恒河難數

上聲


沙不凍應為十

日雨入春已是五稜花
瓦端積處勢增厚
簷際飄時態欲斜
滿缶收來羸沆瀣
三清正好淪龍芽

除夕

秋閨饒卅日臘除臨亦過即看成代謝誰識不流遷
綏屢四年遇

慈寧五世全團圞燭歲處柏子噴祥煙



御製詩三集卷六十八

欽定四庫全書

集部

御製詩三集卷

六十九
七十

詳校官侍郎

臣謝墉

助教

臣常循覆勘

總校官原任

臣先王燕緒

校對官庶吉士

臣張九鐔

膳錄監生

臣楊鶯

欽定四庫全書

御製詩三集卷六十九

古今體九十首

戊子一

戊子元旦

辰首欣逢人紀開
土爰稼穡賴栽培
安民察吏其難矣
量雨籌晴益敬哉
鳳闕曙光啟仙木
駕樓雪色暎春梅
萬家爆竹聲鳴喜
聽共南征捷報來

元旦試筆

月寅又復日寅同

今歲及昨歲元旦皆寅日

引達駢臻淑氣融有象

韶光臨溥海無疆

壽算益

徽宮一心穆穆思民事萬物昌昌答化工獻歲

慈寧開鳳扇東華初旭正瞳矐

鴻臚九擲逮西瀛

是歲有霍罕使臣隨班行禮

晨賀丹墀瑞色明

堪羣生值豐稔區區陽德發孳萌春歸半月青旗展雪

積三冬碧瓦日敢恃

天庥曰滋至宥庖愈切凜持盈

陸治梅花水仙即用其韻

一般態總含冰雪兩下意都報曉春雅契高標宜合譜
知之惟是箇中人

題痕都斯坦雙玉盤得十韻

葱嶺接崑崙痕都天竺藩

向稱溫都斯坦乃痕都斯坦之誤今考梵文改正以新疆

道里方向證之其地當由回部過葱嶺至拔達克山西南即其地蓋北印度交界說詳考訛篇中

瓊枝

產寶夥水磨省工煩

聞彼處治玉以水磨不以沙石錯

泰冒徒聞浴和

聞此溯源匪求來不拒弗韞賈堪言盈尺區寧論去聲成

雙珏寔存中規仍辦辦合度更渾渾帶蒂芳葩簇通身

翠葉翻荒唐說汴水

卞和之事向曾有詩辨其誣

約畧比嬰垣謾詡

連城貴端知五德尊孫卿有佳喻恭己慎臨軒

竹根如意疊舊作韻

澤壤記行鞭

陸游詩園丁來報竹行鞭

老根連復拳設非辭故土那

此閱長年惟默能言代其成以壤傳青寧生未得莊叟

笑難詮

題陳栝墨戲十種

牡丹

豈必染黃更渲紫一般神韻足風華無言似恨濂溪叟
頓置偏稱富貴花

杏

誰言風過獨無香蜂蝶花間也自忙設與寒梅較量
輸些清韻勝些狂

海棠

碧雞坊裏古今春
極盡妍華極絕塵
乞得長生看未足
放翁真可謂癡人

荷花

夏華春卉一齊開
承露宛看紅玉杯
悟得無根大圓鏡
不妨荷與海棠陪

紫薇

驚鴻舞燕羞爭冶
為令為郎有底榮
却笑翰林李昌武
為去聲追典故植前楹

木芙蓉

金風玉露燥徘徊
有宛看此別裁
水面芙蓉零落盡
一枝猶是暎波開

菊

幾朵蕭蕭迥絕埃
不霜寄傲不根栽
世間黃紫工設色
却與菊花失本來

梅

莫訝南枝先節開
祇今常見菊鄰梅
村花若擬楊无咎

可有遊蜂抱蕊來

水仙

頓置陳王賦洛濱多奇反覺鮮傳真冰姿祇合疎疎寫
乃得真傳意表神

山楮

雪裏丹砂標一枝墨華朱色幻離離王家謾詡兄贈弟

王十朋有族兄
文通贈山楮詩

陳氏真看父有兒

陳枯陳淳之仲子也
見卷後周天球記語

生春二十首用元微之韻

有序

貞元一氣羣仰

天地洪慈熙皞百年實賴

祖宗厚澤縱言政敦返樸一日之樂可聽諸亦曰情貴

聯遐萬方之來當饗爾爰自紅箋書福開韶而歛

錫殷欽以及綠字宜春御音迓氣而雨暘期若賡歌

每塵稼穡宴賚所寓懷柔未至風和日麗之辰先

會釀泰含熙之趣因讀微之生春廿什竭思丙寅

反作三秋然而玉露金颺未免心生蕭索即彼分

霞帶雪本屬境借鋪張斯迺據實事以成吟仍卽

依前韻而得句無須頻拈梅柳

微之廿首詩中梅柳對句者凡三見

而柳眼梅援又各成一律

殊稱自具體裁意獨重于春生言亦

關乎政飭昇平有象補帝京景物遺篇寒儉未除
笑石湖村田樂府惟是番番疊詠頗覺後勝於前
雖云草草成章聊識未荒所學

何處生春早春生斗柄中麗

天居北宿指艮轉東風玉杓

入聲

垂如注璿璣象已融拱

辰恆近極率領衆星叢

何處生春早春生積雪中照墀常若月棲瓦不妨風扶
脊離離閃垂簷滴滴融宮鴉能避冷枝入萬年叢

何處生春早春生書福中迎年應臘朔施惠守

家風

每歲自臘月朔開筆書福賜王公大臣內直侍從及各省督撫遵奉

先朝恩例也

鳳篆

鵷班布硃箋墨濡融堂廉欽歛錫雲最漫言叢

何處生春早春生冰戲中踉蹌蹴飛雪捫掀搏驚風詎

數跳九捷非訛感鞠融論

平聲

功遍行賞鳧藻羽林叢

何處生春早春生臘鼓中毛員鳴送冷腰細響隨風草

紐芽將發

諺云臘鼓鳴春草生

蟲坯戶漸融冬冬繞街巷忙煞小

兒叢

何處生春早春生春帖中詎云期應節亦欲驗歌風傳

字惟蘇軾

蘇軾春帖子詞墨蹟三希堂所藏較流傳石刻尤夥

談經孰馬融準今

還酌古藻挾翰林叢

何處生春早春生頌賜中北羊肥帶凍東鹿整乾寒風韻

繡袋星辰爛綵箋粉碧融恩波教共沐足傲小山叢

何處生春早春生餽歲中通情隨地產餉節任鄉風硯
匣琉璃煥茶杯沆瀣融東坡題句罷綵念在蠶叢

何處生春早春生守歲中一宵辭舊臘明日迓條風耳
厭漏聲遞情憐燭影融兒童那知惜玉筍開成叢

何處生春早春生爆竹中千門鳴入夜萬戶響成風啓
蟄雷前發晞陽雪不融星星纔欲點却走內家叢

何處生春早春生仙木中神荼為鬼伯鬱壘有罡風吉
語符如券邪氛消以融至今傳度索桃樹尚叢叢

何處生春早春生獻歲中

慈寧

宮名

臨正旦長信門名啟祥風率拜王公集秩陳禮樂

融

思齊千萬壽籌滿海山叢

何處生春早春生元會中一年欽首祚萬國覲同風淑
律鸞旗展初陽鳳闕融普天人益歲喜氣上眉叢

何處生春早春生三素中玉樓雲作益金闕駕隨風紫
綠白無襍郁綸囿有融最憐凝望者迷目八輪叢

何處生春早春生布令中

凡歲臘例定恩旨於新正以次頒發上年江南江西湖廣

濱江之區因江漲泛溢被水者除循例撫恤外並諭按戶分別展賑一月兩月有差

十行無靳澤

萬里有從風水旱加月賑閭閻幾

去聲

景融叮嚀諭大吏

毋使弊滋叢

何處生春早春生綵勝中金蜂渾出蟄玉燕欲翻風麥

穗豐年兆曇花瑞氣融栽羅還疊錦鬪巧翠鬟叢

何處生春早春生盆卉中梅仍高士傳松自古人風漢

代侵侵有唐花色色融憐他日增巧開到鼠姑叢

何處生春早春生挑菜中鋪簾平護凍植障曲防風

信名

臣傳太官園種冬生葱韭覆以屋廡難蘊火待溫氣乃生此法今惟花窖熏花者用之若菜類不過深畦肥土植以葦障防風覆以箔簾護凍暖日則揭簾俾受陽光無不發生者於豐澤園常見之非希事矣

七種

堆盤翠五辛熨齒融底須蘊火迫紫綠自分叢

何處生春早春生

祈穀中上辛傳漢制元日遡周風匏爵三升肅簫韶九

奏融屏營籲

綏屢豐徧黍禾叢

何處生春早春生元夕中玉輪剛滿夜碧宇淨微風鶴
焰光含響蛻膏暖帶融明朝園裏望萬樹著花叢

降旨加賑去歲被水偏災各州縣詩以誌事

始和布惠自金門民瘼昨年逐細論湖北江西水有被

去年夏秋濱江偏災地畝湖北則黃梅等
十三州縣屬江西則南昌等十三縣屬

上元安慶穀

艱存

下江上元等十一縣屬上江懷寧等
十三州縣屬亦以毘近間被漫溢

均霑方伯施

教聲妥

凡加賑處命督撫各飭屬
妥辦俾災黎均霑實惠

會計司農例莫援

加賑

乃於常例外視其極次
貧或加一月或兩月

廿六分中纔一分

就四省通轄
州縣較核被

水之地各居十分之二若統計直省一千五百五州縣較核四省加賑五十屬僅居天下州縣二十六分之一耳

分補偏已是沐

天恩

詠漢玉穀圭

七寸終葵首粟文黼彩浮誰因以聘女亦復罷和籬徒自珍稱漢由來瑞典周吾惟知穀寶庇蔭冀豐酬

按圭之製上銳而下方孔義云凡圭廣三寸厚半寸剡上左右各寸半即其義也考工記玉人職云大圭

長三尺杼上終葵首鄭康成注之曰杼綢也終葵首
椎也齊人謂椎為終葵為椎於杼上明無所屈也不
知杼上者即綢其上而使其首如終葵蓋重文言之
如由左而立於東由右而立於西之類不可穿鑿別
求義解且圭既杼上而銳則椎又將以何物為之即
加於杼上亦不能附著也夫天子之尊自無所屈圭
之杼首已足以象之而又豈藉夫加之以椎乎因詠
穀圭故正其謬注如右

題金廷標人物事蹟十二幀

琴歌南風

節撫恢炎候雲觀亂縵辰橫琴欣對景屬念祇於民歌
以成四句侍猶列五臣天工同弼亮郅治逮和醇解慍
紆煩鬱阜財鮮窘貧寧惟傳搜醪實願溯源津

橋梓喻教

南山之陽有木橋南山之陰有木梓橋竦而仰具父道
梓勃而俯肖子理伯禽康叔初受封必有陽陽或自喜

三見三答不解故二子於是見商子一觀橋梓乃知非
入門而趨登堂跪周公拂首爰勞之商子其人君子矣
指物而喻見善遷淳于鄒忌亦如此

漢陰抱甕

抱甕灌園非不勞機心羞用樂陶陶十年五國更平成

敗豈似伊人無事高

子貢使勢相破其用機械甚矣戰國策士之流蓋出於此然其事穢

見于越絕書及史記余謂孔子即欲存父母邦不應令其徒為此變詐之事疑信半之可耳

遇仙翀舉

子高^白善治酒有仙從求飲既飲以藥酬服之身輕甚
白日遂飛去玉霄登仙品祇宜畫圖傳信否猶須審

子猷種竹

曾聞愛竹有徽之暫住仍教繞宅移童子擔來已瀟洒
此君種得即熙怡乍成塵遠逕深處不負風清月白時
便可窮年應忘^去聲去主人何用閉門為

青溪邀笛

昔時王子猷勝日泛蘭舟雅識桓伊技邀來擲笛求無

妨三弄去曾不一言留我亦青溪上如聞遺韻悠

折梅寄友

江南長安千里一枝豈復恒榮大似鏡清用棒曰祇要
此話行

廬山觀瀑

飛流三千尺已是遙看矣生面寫石橋却俯觀足底高
下定何常幻境視乎此

蕉葉臨書

種得芭蕉當種紙終日醺醺綠天裏借問箇中有佛無
把筆答云聊復爾縱橫曾不拘規模腕底落落噴明珠
笑煞龍眠李居士無端寫作醉僧圖

彈薊輪袍

黃緣謀舉首彈出薊輪袍伊人喜禪寂斯事豈稱高

金蓮歸院

東坡學士嘗值禁闌名對或久金蓮送歸爾時都下傳
以為榮劄子屢上曾未見行雖云分光不聞轉圜於東

坡心夫豈其安寫入畫圖想見丰模問誰與同前有令
孤

映雪讀書

孫康昔嗜學傷哉家窶貧鑿壁欲偷光而又嘆無鄰無
鄰茅屋獨寧當廢夜讀同雲偶韜月幸哉天假燭假燭
借雪輝六花積復飛豈不虞皸瘃耐冷水玉肌玉肌雪
色映窮理而盡性曾弗雜交遊自足娛清興

題嘉靖尊稱興獻事

興獻尊稱用桂張程頤議覺未周詳古來大孝惟虞舜
一節竟疎遜肅皇

烏什戰圖補詠

有序

自庚辰西師凱旋之後伊犁則築城墾野回部則
減賦薄徵視地之大小險夷各駐以大臣戍以兵
卒晏然無事矣越五年乙酉而有烏什之變烏什
者介於阿克蘇喀什噶爾之間為回部適中之地
依山為城有險可恃田肥饒水充足又有牧場可

滋長馬牛羊故變亂之後逆賊守至六越月始食
盡力窮縛其酋以獻於是誅戮其精壯遷徙其婦
稚凡烏什之城及其所附村落皆為官有駐以大
臣戍以兵卒如前制而更申明紀律焉夫烏什固
據形勝得扼吭捩臂之勢而宜厚駐我兵以鎮壓
衆回部之地也初以王師勦逆撫順不可無故奪
之今值彼變亂自取屠滅因以為回部適中官軍
都會之地是又開惑論所謂愈變而愈康者非

天垂貺豈能若是哉而予渺躬之倚

龍綏勵兢業又當何如哉其致變之由及我官軍之奮
勇克復條為六事各繫以詠如左

聞變

乙酉二月烏什小伯克賴黑木圖拉等聚衆五百
餘乘夜縱火焚掠戕殺官軍駐守之副都統素誠
自殺賊遂據城為變時駐阿克蘇之副都統卞塔
海聞之急郵奏報覽其詞過於張皇知其庸懦不

足集事且回衆久懷德威使非激之致亂不應自
棄化外庸可不察其由以示懲創因降旨駐伊犁
之將軍明瑞細查致變之由以聞

南巡三月返春舟六百飛傳計里郵

卞塔海初奏烏什
事由六百里馳達

時方自杭州迴蹕即於行舟
批答並籌度調兵諸機宜

展視乃知烏什變報來始

自阿蘇投

回語阿克蘇急呼則為阿克蘇烏什卞倫官全
福等聞城中變急投阿克蘇報知卞塔海即

據以輕徭本是常施惠倡亂何當彼取尤師駐伊犁定

赴援重臣宣命察因由

回衆蠢動固罪無可逭若召釁
有由亦不可不中國法以儆其

餘因密諭明瑞於
赴援時訪實速奏

師援

阿克蘇喀什噶爾與烏什相犄角應援最近而卞
塔海與駐喀什噶爾之都統納世通雖亦領兵往
救但二人素未經戰陣無益於事時明瑞聞而統
兵赴援兼程遄進至則中明軍律並力攻城賊始
困窘

勲戚伊犁董重兵

明瑞於平定回部時奮勇追勦屢著
功績素為回人所憚因命其為將軍

駐伊犁統轄諸回城事

早年回部得威名變聞遂率雄師援途遠

仍教兼驛行

計明瑞聞烏什事必率師赴援但伊犁相距幾二千里慮或稽時奏至知其兼程前

進為之欣慰

可笑無能還如阻

納世通甫至烏什聞明瑞統兵赴援之信恐其分功遽行

大阻止奏至降旨嚴飭而明瑞亦不從其言決計迅赴

幸因未聽遂遙征逆回始

相聲倉皇守壁壘新知紀律明

卞塔海納世通諸事失措為逆回所輕及明瑞

至中嚴軍律賊衆始惶懼死守不敢復出

獻諜

烏什伯克賴黑木圖拉既叛慮其力之不能抗我

師也乃相與聚謀走間諜巴布敦等卑辭厚幣求援於霍罕之厄爾德尼伯克又教為詭語以煽亂所過諸布魯特惟時布魯特久效恭順且知逆黨之妄也遂執巴布敦等遣使詣喀什噶爾以獻

遊牧東西勃律連

唐之勃律即今之布魯特

不同回部列氓

編諸回城向

苦準噶爾賦重自己知底定時即為減定賦額一如內地編戶徵納人皆樂輸至布魯特則逐水草而居非若

回人之能習耕作盡地利故雖向化內附不令納賦惟入覲時職貢效忱而已

負城既叛賴黑

木

賴黑木圖拉既據烏什即遣其黨巴布敦等偕安集延塔什罕之貿易回人貴書幣潛往霍罕乞援

間

去聲道潛通安集延布魯適居路徑過去聲駒支驀遇計擒

全巴布敦等至布魯特境即詭稱附近烏什各回城同

時俱亂冀以煽惑諸部衆適喀什噶爾阿奇木伯克

噶代默特遣人告之以叛逆惟烏什一城餘皆安堵時

布魯特比齊里克齊遂誘巴布敦等擒之即遣其弟喀

爾們都解送喀什噶爾比者部捫都解送喀什噶外域

落之首領即如回部伯克之職輸忠意實虔

悉故

布魯特既縛獻巴布敦等于喀什噶爾時駐喀什

噶爾之副都統柏琨訊其變亂之由則稱烏什之

阿奇木伯克阿布都拉橫派黠擾蕩檢宣淫而副都統素誠不但不加督責且與之同流合汙以是回衆不勝其忿遂脅聚生變又納世通卞塔海平時亦妄自尊大凌虐諸回素為衆怨所集且卞塔海初至烏什城下不事詰剖輒施鎗礮以攻及賊出拒復怯而敗走納世通繼至亦茫然不知所措賊益逞其負隅之勢明瑞詢察得實臚章入告與柏琨所奏悉合因各視其罪重懲之

巴布敦辭實可憑周諮我衆又堪徵

明瑞查訪致亂所由知素誠擾累不

法及納世通卡塔海庸妄乖謬諸罪狀皆得自貿易人衆臺站諸回之口詢之在事侍衛等亦衆吻如一哥

舒翰既少恩甚

阿布都拉為哈密回部貝子玉素富同產弟以其久內附之回授為烏什阿奇

木伯克乃自蒞事以來不知恤衆每將疲瘦羊馬倍值取利又肆為淫惡致所屬回衆切齒亂作亦並遇害實非意料

李大宜還耽樂仍

素誠在烏什惟事科派苦累又復淫縱無忌賴黑木圖拉

之妻亦曾為所留因而蓄怨生變則素誠實死有餘辜矣

一死餘辜真尚有兩駕要

駕愧惟增

此雖素誠阿布都拉之罪然用二人以致憤轅之愧實切於懷

可同効節加優

恤用戒將來示創懲

攻堅

明瑞等攻烏什數月圍困甚力賊出拒戰者即擒
獲誅磔于是賊驚駭聚計謂與其束手就斃毋寧
捨死以求生因謀夜出襲營我軍覘知之預為之
備賊首賴黑木圖拉中箭死賊黨益窘怖復推賴
黑木圖拉之父厄塞木圖拉為阿奇木悉衆死守
以延殘喘此皆得之捉生鞠訊者已而明瑞復擒
驍銳夜薄其城登陴毀堞奮擊獲大勝賊自是日

危感矣

罪不容誅賊自知求生捨死死相持誘來平野騎弗進

賊知罪在不赦僥倖遁死明瑞等知之即調兵兩隊先後繼進前隊次青努爾擇地張甄以待欲誘賊至平地

合後隊奮擊賊即退守城我軍追躡及城下賊猶持火器乘陴拒敵轟以大礮賊乃匿避仰薄高峯

銃競施督以衝堅誠亦易諭令

平聲

鄭重故因遲

烏什初變明瑞

即統兵赴援復命尚書阿桂馳驛往會之彼時以烏什叢爾孤城又無外援易于收服毋庸悉銳進攻輕撓鋒

鏑致多傷我士卒因諭令嚴急攻圍待其勢窮力蹙乘機取之雲梯豎即登城堞賊既窮窘

益固守不敢出明瑞等以時屆秋令師旅不宜久羈乃簡巴圖魯六百餘中夜攜雲梯分道潛往薄城兩隅東

北隅先登賊未覺挺刃交下守陴賊狼狽竄即舉號火招繼進者又循墉自北而東南悉據有之毀其垣堞施鎗箭巨石俯擊殲賊無算後以天明收軍未即得城早使遊魂釜底馳

城復

登城之捷賊益膽落我軍乃逼城築壘嚴圍斷其樵汲即有突出者並擊敗之賊城糧絕馬餓拆屋以爨撤茅以飼殍仆溢途巷衆皆憂悸離畔沙布爾者烏什之舊商伯克故未從賊為惡乘人心洶懼謀縛厄塞木圖拉詣軍營納款因以獻城至夜

遂內潰先是諭明瑞等曰賊不早悔罪伏法若城
垂破始乞降則不可貸當盡殲之以揚我武鑿明
我軍振旅入城悉戮其黨羽徙其婦孺烏什復平
時八月十五日也

斧塘鋒蝟勢將

平聲

成將

去聲

恐多傷退我兵

我東北登城

一軍既獲全

勝其攻西南者以賊已有備不復能上明瑞等因天已
嚮明恐為賊所要襲急撤城上兵遂未得乘銳擣其巢

穴

高壘深壕奚道命析骸易子苟延生倒戈縛就無完

卯輿櫬獻來逮破城教寫陣圖旌衆勇定功惟是凜虛

盈

題宋人蠶織圖

南遷後以農桑重院本於今珍弄存要務彼時有過此
金華未可謂知言

帝王之政莫要于愛民而愛民之道莫要于重農桑
此千古不易之常經也然在高宗南渡時則更有要
于此者復河北迎二帝是也爾時君若臣不聞卧薪
嘗膽以恢復為急即下重農之詔成蠶桑之圖亦奚

有裨于實政哉
宋濂跋語過于頌揚而實乖論世故
並識之

聞捷

緬寇犯我邊
兵應去不得已
瘴退亟發師

蠻地九月後瘴退乃可進

兵計日塵屈
指木邦未戰收
直前險過幾

前大兵至木邦賊于三日

前聞風竄逸進八十里至白小拔一木砦戮賊數十人又前至錫箔臨江督兵造橋徑渡賊披靡不能守隘

蠻結彼據守
木柵固可恃

賊以巨木浸濕列柵四周
兼輔築土簷以資抗拒

弗

能捨徑進鼓勇毀其壘
忠誠衆心同奮不顧石矢連破

十六砦夷遁駝喙矣聞捷默叩

天錫佑乃致此既慰繼以憐我衆信勞止地利伊已失
賊以萬衆據守蠻結我將軍明瑞及領隊諸大臣莫不
身先士卒以致衆共一心努力連破十六砦而天生橋
尤當賊徑要隘緬復退守拆橋以拒我師我師別取繞
道前進夾擊賊衆膽落驚潰計殲賊二千餘獲糧械無
算
賊巢近迤邐佇望大功成紅旗飛報喜

新月

新月新春見興懷致弗同彎彎初掛迴漸漸日移東輪
共丹窠長光疑碧漢融嫦娥不動念萬古桂花叢

題姚文瀚倣宋人宮市圖

百子門前玉筍森
相呼賈客買佳禽
樹頭雙鵲飛鳴適
無限籠中健羨心

金距朱冠雄索鬪
呼羣相與戲青春
繡襦錦帶皆楚楚
不識誰為姓賈人

詠玉刻蹲虎鞞

刻虎鉤弦用挽弓
於菟安得負嵎叢
因之心渴桓桓者
亦欲干城入彀中

野馬

物有家畜必有野牛騾雞鴨率同也垆牧之羣胡不然於是獸中有野馬阿爾台山高且寒此獸孳育叢林下蒙古名之曰塔奇沫亦流朱汗飛楮以珍為獻獻弗却不稱其德稱其寡受勒受鞍可試騎乃知物盡堪陶冶蒙莊遊氣豈虛言四蹄揚塵陵豁間更傳奇語未前聞曰實人人曾見者懸峯恐穿釘鐵掌攻駒可施斯誰把格物致知有所窮似此孰能辨炙輠

丁雲鵬洗硯烹茶圖

松下乘涼倚石磴課僮洗硯更烹茶鶴相顧去立莎渚

魚不須招上

上聲

浪花寂得神情屬魏氏別開生面是丁

家佛仙慣繪餘稀繪

丁雲鵬愛畫仙釋珠林收弄頗多斯則少見為珍耳

軒舉斯

人亦若霞

新正重華宮恭侍

皇太后家宴作

初歲開韶淑景妍長街掖

輦步花輓承

歡膝下始今日行

樂宮中例萬年四海九州共

尊養

一堂五世見曾元月華雪彩相輝映喜沃心田作福田

題永瑤畫歲朝圖恭進

皇太后

學餘游藝亦功夫寫作平安如意圖恰合歲朝呈吉語

永綿億載奉

慈娛

題和闐玉山亭松壑圖

玉水生昌蕊翻因作玉山徒觀峯岵嶠尚帶瀑潺湲涼
借松撐蓋幽教林掩闕小亭無客坐坐者得他閒

再反白居易陰山道樂府仍用其韻

陰山道陰山道伊犁城郭今完好曰耕曰牧兩勤為田
有嘉禾原有草經冬如春可起羸分羣別色色潤皮在

垌之野數千匹厄魯孳生計月日

伊犁牧政以每年騾馬三匹例得字駒一

匹牛則十字得二積歲大加蕃息

將軍更復籌久長內地撥來十六七

將軍阿桂奏現在孳馬充牣又得哈薩克貿易馬匹為數日盈自分往屯田各處應用外并請撥給緣邊營伍

以資軍實勅督臣吳達善議行

豈似唐時回鶻驅市二萬翻為中國苦

計馬價絹五十萬匹不免闕供數

二語彙括白居易與回鶻可汗書

達

覽將軍尚嘖有煩言藕絲蛛網著之于身皆破處爾時

公主為可敦皇帝敬問往復論納廿五萬權頒勅心愧

于中辭不直徒令江淮民入縑長官督課精工織

皆見居易

文及詩中

哈薩稱臣今數歲來以牝牡去幣綵一馬不過三

四金較內地價廉幾倍從來邊事訾者多以今較昔竟若何

題楊大章喜鵲花卉戲言

先春數

去聲

種花喜鵲凡十二飛栖各得神畫者具深意

數

上聲

時成

上聲

月成

一歲皆欲有喜報故自為佳

事但恐願太奢如願或難遂

明皇試馬歌題韓幹所畫

我曾見趙霖六馬傳貞觀立石像人人拔箭數騎嘗寇
陷陣中凜凜英風千載羨茲乃歌韓幹試馬寫明皇疑
是溫泉初罷醺據鞍袖手顏微酡兩人夾持尚兢戰嗚
呼開創何雄守何弱宴安酖毒忽爾忘天眷漁陽鼙鼓
來動地難免蜀道崎嶇擁欸段畫圖所貴鑒戒存瞿然
撫古興遐嘆

同豫軒

首歲始行春駕言西苑臻書軒液池角初律曉曦閣竹

爆開街市水光閃映振額名曰同豫豫實願同民

淑清院

有樹百年上有瀑一丈餘如是林泉間散步聊相於淑
氣迴九州豈斯獨舍諸而更饒者清融融洒洒如遠覺
隔世塵近會託古初牆外市聲喧民艱又塵予

素尚齋

三間古屋假山尖石徑嶽岑曲不嫌未免循名心少忸
華鎗一例綴楣檐

千尺雪

靈源不凍水之真
閘流不凍水之幻
落來六出雪之常
擬以六出雪之變
真常幻變皆假名
即景南宗好公案
皚皚滴滴獨無心
如是偶憑如是觀

寶月樓

淑氣漸和凝
高樓拾級登
北杓已東轉
西宇向南憑

樓臨

長安街街南俾移來西域
回部居之室宇即肖其製
門戶新粘帖街衢早鬻燈團

園三五近眺賞又何曾

上元例在御園陳煙
火此樓從未賞節

長春書屋

四序春為首一心長體仁何時不堪會此際覺猶親點
筆吟韶始憑牕對景新生機萌萬物竄好待逡巡

蘭室

明窓初旭正溫暾戶外松濤不厭喧几有芸編較蘭馥
寧須畹卉藝瓷盆

補桐書屋

庭前新補桐已是高齊屋舊時桐斲琴亦在屋中蓄新

舊何異同苑枯底榮辱几上置南華第二篇堪讀

涵春室

已覺風和而氣淖底須草綠與花妍徒言此室涵春者
豈識春涵室萬千

紫光閣賜宴外藩作

北漠一家久號賓西瀛賀歲有陪臣宜頒厚賚嘉誠悃
共列芳筵接燕申酒止三巡非既醉醕斟重平聲沃寓含

醇御園指日臨嘉夜載看烟花萬樹新

悅心殿

紫光醺罷惜餘陰
瓊島春歸試攬尋
翠柏蒼松徑熟識
繡縹寶帖殿初臨
乘時欲奉陽和德
汲古思探義理深
今日畧知心可悅
幸緣積素在林岑

靜憩軒

圖靜於焉憩
憩固祇俄頃
爾思苟憧憧
憧憧朋從詎能靜
是知靜由己
寧云藉外境
境終不可無
亦視己所領
隔壁即花宮
正爾標旂影

看畫廊

四季風光致不同步廊看覺畫難工假如廊外延觀者
又道人行此畫中

閱古樓

石刻勒四壁風華稱閱古詎惟資學書尚友思名語漢
唐豈足云商周不可覩然有遺訓垂無逸以為所

畫舫齋

冰床用異冬夏畫舫名自古今愛倣歐陽室趣不學周

砥醉吟

周砥詩邀我醉眠書畫舫

青雀笑他侈意白鷗底藉盟心比

似清河張丑相資猶欠書林

古柯庭放歌

老槐閱歲不計年喬枝禿兀孫枝蕊鬱妍春明之錄宮
闕始自遼金紀豈知此樹所歷猶在遼金前冥靈五百
大椿八千彼已落莫此鎮曲拳三間之庭何足當古柯
之古為之嗒然

得性軒口號

潔治書軒取適宜偶臨樂有縹緗披子輿性善標深旨
借問真能得者誰

奧曠室

一室內空外復空石林護徑寫王蒙放彌六合卷藏密
奧曠由來方寸中

題鏡清齋

水鏡清如水鏡清澄凝雅契淡無營愛斯坦蕩步堪蹠
付彼妍媸照自呈不向風前作波浪且辭雨後有虧盈

重簾遮莫翟逾下朗鑑憑觀萬物情

御製詩三集卷六十九